




Broj/Број: 01/5-50-1-12-34/05
Sarajevo/Сарајево: 19.7.2006.godine.



ZAPISNIK

34. sjednice Komisije za ljudska prava, imigraciju, izbjeglice i azil (u daljnjem tekstu: Komisije), koja je održana 12.7.2006. godine s početkom u 11,00 sati.

Sjednici Komisije prisustvovali su:

- Elmir Jahić, predsjedavajući Komisije,
- dr. Tihomir Gligorić, drugi zamjenik predsjedavajućeg Komisije,
- Vlatka Komšić, član Komisije,
- Selim Bešliagić, član Komisije,
- Nadžida Mlačo, član Komisije.

Odsustvovali su: Martin Raguž, prvi zamjenik predsjedavajućeg Komisije; Senija Kapetanović, član Komisije; Marija Perkanović, član Komisije; Muhamed Altić, član Komisije.

Za sjednicu je usvojen slijedeći:

Dnevni red:

01. Usvajanje zapisnika 33. sjednice Komisije,
02. Razmatranje izvještaja Ombudsmena za ljudska prava BiH,
03. Uspostavljanje Vijeća nacionalnih manjina pri Parlamentarnoj skupštini BiH,
04. Razgovor s delegacijom Komisije za ljudska prava Velike narodne skupštine Turske,
05. Tekuća pitanja

Ad. - 1. Usvajanje zapisnika 32. sjednice Komisije

Otvarajući prvu tačku dnevnog reda, **Elmir Jahić, predsjedavajući Komisije** otvorio je raspravu o zapisniku 33. sjednice Komisije.

Nije bilo rasprave o zapisniku. Kako nije bilo rasprave o zapisniku 33. sjednice Komisije, nakon glasanja, predsjedavajući Komisije je konstatirao da je zapisnik jednoglasno usvojen u onom obliku kako je i prezentiran.

Ad. - 2. Razmatranje izvještaja Ombudsmena za ljudska prava

U uvodu za ovu tačku dnevnog reda **predsjedavajući Komisije** je upoznao prisutne da je od strane Ombudsmena za ljudska prava BiH ovoj Komisiji upućeno nekoliko izvještaja i to:

1. Godišnji izvještaj za 2004. godinu,
2. Specijalni izvještaj u vezi sa Zakonom o utvrđivanju i načinu izmirenja unutarnjeg duga Republike Srpske i Zakona o utvrđivanju i načinu izmirenja unutarnjih obaveza Federacije BiH Institucije Ombudsmena za ljudska prava BiH,

3. Specijalno izvješće u svezi usklađenosti Zakona o krivičnom postupku sa člankom 14. stavak 5. Međunarodnog pakta o građanskim i političkim pravima Institucije Ombudsmana za ljudska prava BiH,
4. Specijalno izvješće u svezi žalbi koje se odnose na dužinu sudskih postupaka Institucije Ombudsmana za ljudska prava BiH.

Predsjedatelj Komisije ukazao je na činjenicu da Potkomisija za Specijalno izvješće u svezi žalbi koje se odnose na dužinu sudskih postupaka Institucije Ombudsmana za ljudska prava BiH nije dostavila svoje izvješće, pa je predložio je da se razmatraju slijedeća izvješća:

1. Godišnje izvješće za 2004. godinu,
2. Specijalno izvješće u svezi sa Zakonom o utvrđivanju i načinu izmirenja unutarnjeg duga Republike Srpske i Zakona o utvrđivanju i načinu izmirenja unutarnjih obaveza Federacije BiH Institucije Ombudsmana za ljudska prava BiH,
3. Specijalno izvješće u svezi usklađenosti Zakona o krivičnom postupku sa člankom 14. stavak 5. Međunarodnog pakta o građanskim i političkim pravima Institucije Ombudsmana za ljudska prava BiH.

Predložio je diskusiju o svakom izvješću posebno.

U diskusiji su uzeli učešće svi prisutni članovi.

Nakon diskusija, Komisija je jednoglasno prihvatila izvješća te odredila izvjestioce i to:

- a) za Godišnje izvješće za 2004. godinu Vlatka Komšić ili Nadžida Mlaćo (kako se dogovore),
- b) Specijalno izvješće u svezi usklađenosti Zakona o krivičnom postupku sa člankom 14. stavak 5. Međunarodnog pakta o građanskim i političkim pravima Institucije Ombudsmana za ljudska prava BiH,
- c) Specijalno izvješće u svezi sa Zakonom o utvrđivanju i načinu izmirenja unutarnjeg duga Republike Srpske i Zakona o utvrđivanju i načinu izmirenja unutarnjih obaveza Federacije BiH Institucije Ombudsmana za ljudska prava BiH Selim Bešlić.

Ad. – 3- Uspostavljanje Vijeća nacionalnih manjina pri Parlamentarnoj skupštini BiH

U uvodu za ovu točku dnevnog reda, predsjedavajući Komisije je podsjetio prisutne da je Parlamentarna skupština BiH donijela Odluku o osnivanju Vijeća nacionalnih manjina Bosne i Hercegovine, koja je objavljena u «Službenom glasniku BiH», broj 38/06. Ujedno je ukazao na obvezu žurnog osnivanja Vijeća nacionalnih manjina pri Parlamentarnoj skupštini BiH.

Predložio je diskusiju o ovoj točki dnevnog reda.

Selim Bešlić je predložio da se raspiše obavijest i da se izaberu članovi Vijeća nacionalnih manjina.

Elmir Jahić je predložio obrazovanje Potkomisije od 3 člana, koja bi zajedno s sličnom Potkomisijom Ustavno-pravne komisije Doma naroda predložila članove.

dr Tihomir Gligorić je prihvatio ideju o obrazovanju Potkomisije. Ukoliko bi bilo nemoguće izabrati članove Vijeća na ovaj način, predložio je primjenu članka 3. stavak 2. Odluke, odnosno mogućnost komisija Parlamentarne skupštine BiH samoinicijativnog predlaganja članova.

Nakon diskusija zaključeno je slijedeće:

1. potrebno je što prije uspostaviti Vijeće nacionalnih manjina pri Parlamentarnoj skupštini BiH,
2. Komisija formira Potkupinu u sastavu: Marija Perkanović, Nadžida Mlaćo i Vlatka Komšić koja će, zajedno s Potkupinom Doma naroda PS BiH osmisлити i provesti postupak odabira članova Vijeća nacionalnih manjina, te spisak dostaviti Komisiji na daljnji postupak.

3. Aktivnost Potskupine će se uskladiti s aktivnošću Potskupine koju će obrazovati Ustavno-pravna komisija Doma naroda,
4. Postupak odabira članova Vijeća nacionalih manjina treba provesti do kraja augusta 2006. godine.

Ad. – 4. Razgovor s delegacijom Komisije za ljudska prava Velike narodne skupštine Turske,

U uvodu za ovu točku dnevnog reda **predsjedatelj Komisije** je upoznao prisutne da je posredstvom Veleposlanstva Republike Turske zakazana sjednica Komisije i radni dio u kojem će se razgovarati s predstavnicima Komisije za ljudska prava Velike narodne skupštine Turske. Sastanak će biti u 12. sati, a poslije sastanka upriličeno je obraćanje članova Komisije sradstvima javnog informiranja.

Nakon ovih podataka članovi Komisije nisu diskutirali o pojedinostima, pa je predsjedatelj Komisije zaključio ovu točku dnevnog reda.

Završavajući ovu točku dnevnog reda, Komisija je završila svoju 34. sjednicu. Sjednica je završena u 11,44 sati.

TAJNIK KOMISIJE

dr. Zijad Hasić
dr. Zijad Hasić

PREDSJEDATELJ KOMISIJE

Elmir Jahić

Elmir Jahić